

植物名實圖考

植物名實圖考卷之二

固始吳其濬著

蒙自陸應穀校刊

穀類

稗子

光頭稗子

稭子

山黑豆

山綠豆

苦馬豆

川穀

山扁豆

回回豆

野黍

燕麥

胡豆

玉蜀黍

豇豆

豌豆

刀豆

龍爪豆

又一種

雲藕豆

烏嘴豆

野花豆

黑藥豆

蝙蝠豆

黃麻

山黃豆

山西胡麻

稗子



穀類卷之二

稗子

救荒本草水稗生水田邊旱稗生田野中苗葉似稗子葉色深  
綠脚葉頗帶紫色梢頭出匾穗結子如黍粒大茶褐色味微苦  
性微溫採子搗米煮粥食蒸食尤佳或磨作麪食皆可

零婁農曰稗能亂苗亦有二種有匾穗如黍者有扁而數穗同  
生者與米同春則雜而帶殼別而杵之則粒白而細煎粥滑美  
北地多種之於陸非稂莠比也爾雅稗莠注謂似稗布地生穢  
草又古詩云蒲稗相因依則稗爲陸生稗爲澤生歟農政全書  
諄諄以種稗爲勸備豫不虞仁人之用心哉



七頁甲乙

光頭稗子

光頭稗子莖葉俱同菱菰生陸地穗出葉中扁淨無毛故名爲  
炊香美水稗形如禾生於水田蓋卽淮南子所謂離先稻熟而  
陸生穢地者爲稗其卽此歟



本草綱目卷之六十一

麥子

麥子



稭子

救荒本草稭子生水田中及濕地內苗葉似稻但差短梢頭結穗彷彿稗子穗其子如黍粒大茶褐色味甘採子搗米煮粥或磨作麪蒸食亦可黔山多種鷹爪稗亦呼稭子雲南曰鴨掌稗雩婁農曰稭子稗類於書尠見其穗駢出參差如大小指或以參參得名耶廣羣芳譜一名龍爪粟一名鴨爪稗北地荒坡處種之苗葉似穀至頂抽莖有三稜開細花簇簇結穗分數歧如鷹爪之狀形容極肖日照縣志稭子粟之賤者有黑白二種宜濕地石得米二斗餘民賴以餬口而三峽志謂自滇中來曰雲


南稗一曰雁爪稗亦稱雁爪稗其穀爭價東南所無蓋峽中石田艱於嘉種耳余過宜賓河塘極饒時黃雲徧野搗撻弗及安得謂東南無此黔山陘瘠無異峽中溪頭峯角種植殆徧秋曰穗稔赭綠壓蹊駢者如掌鉤者如拳旣省工力亦獲籌車民恃爲命敢云農惡哉救荒圖與此稍異或一類亦有二種

豆類考

山黑豆

五

穀類卷之二



山黑豆

救荒本草山黑豆生密縣山野中苗似家黑豆每三葉攢生一處居中大葉如菘豆葉傍兩葉似黑豆葉微圓開小粉紅花結角比家黑豆角極瘦小其豆亦極細小味微苦苗葉嫩時採取燻熟水淘去苦味油鹽調食結角時採角煮食或打取豆食皆可雲南山中亦有之花實較肥大人弗採摘

零婁農曰吾嘗渡河而北大風沙擊車帷有聲如雷及抵驛一塵盡喧皆曰天雨豆亟取視正如黑豆小而堅不類田隴間所種豈崇巖邃谷穠穀自生陳陳堆聚久而從風飄颺者耶然絕

無斷莖敗莢相雜如出諸倉箝者抑獫鼠所窘大風有隧因而發其覆耶羅泌路史博載史傳雨金雨粟雨毛雨血雨魚諸異然未得於目覩而志五行者或附會以爲休咎是邑也時有小旱不爲災亦無他異蓋風雨奇怪非常理可測至池魚飛越或有龍雷震攝善偶避野塘一卒擊鑼聲未絕游魚撥刺飛水上數尺有自擲於岸者靜極驟動不可卒制理固然爾

古今注元康中南陽雨豆永平中下邳雨豆似槐實宋史元豐中忠州南賓縣皆雨豆大觀中廬州雨大豆金史大定中雨豆於臨潢之境形上銳而赤味苦元史至元中鄱陽雨豆

民取食之癸辛雜議至元中永嘉雨黑米泉州雨紅豆如丹  
砂可爲飯漢陽府志明時雨小豆種之蔓生不實又熬歛常  
熟皆雨豆鞏昌府安會雨豆破之有麩味苦澀又陝西雨黑  
豆食之氣閉六合雨紅豆有二瓣食作腥氣同安雨豆扁而  
細或黃或黑有掃之盈升者雨豆一也或可食或不可食其  
有似豆而非豆者耶抑以此別災祥耶

山菜豆



設類卷之二

山菘豆

救荒本草山菘豆生輝縣太行山車箱衝山野中苗莖似家菘  
豆莖細葉比家菘豆葉狹窄脩開白花結角亦瘦小其豆黧綠  
色味甘採取其豆煮食或磨麩攤煎餅食亦可





苦馬豆

救荒本草苦馬豆生延津縣郊野中在處有之苗高二尺許莖似黃芪苗莖上有細毛葉似胡豆葉微小又似蒺藜葉却大枝葉間開紅紫花結殼如拇指頂大半頂間多虛俗間呼爲羊尿胞內有子如榛子大茶褐色子葉俱味苦採葉焯熟換水浸去苦味淘淨油鹽調食及取子水浸淘去苦味曬乾或磨或搗爲麩作燒餅蒸食皆可按山西平隰亦多有之花如豆花色極紅結實空薄一簇十餘內子甚小往往有蟲踰伏其中氣惡俗呼爲屁胞饑饉薦臻捋拾及此枯魚銜索幾何不盡



川穀

救荒本草川穀生汜水縣田野中苗高三四尺葉似初生葛稗  
葉微小葉間叢開小黃白花結子似草珠兒微小味甘採子搗  
爲米生用冷水淘淨後以滾水湯三五次去水下鍋或作粥或  
作炊飯食皆可亦堪造酒

山扁豆



山扁豆

救荒本草山扁豆生田野中小科苗高一尺許葉似蒺藜葉微  
大根葉比苜蓿葉頗長又似初生豌豆葉開黃花結小匾角兒  
味甜採嫩角燂食其豆熟時收取豆煮食



回回豆

菽荒本草回回豆又名那合豆生田野中莖青葉似蒺藜葉又似初生嫩阜茨而有細鋸齒開五瓣淡紫花如蒺藜花樣結角如杏仁樣而肥有豆如牽牛子微大味甜採豆煮食





野黍

野黍生北方田野救荒本草錄之粒稀早穗實熟易落

雩婁農曰余聞之野人曰凡穀實皆有野生者其苗短其粒瘦種之肥地則方苞穎粟與田禾無異然則鴻荒甫闢誕降嘉種亦唯荒穢於繇條塗泥之中而未有區別聖人出嘗之而知其益於人也於是芴之萊之藝之役之而爲畎畝動之散之潤之暄之而爲墉櫛溝之澮之以備灌溉堰之坊之以禦浸潦奏庶曰艱食豈一手一足之爲烈哉後世值水旱之稔而始鯁鯁然求自然之穀以救子遺嗚呼滌滌山川野無青草卽生瓜籠稻

亦安可保。... 補固窮... 仁愛未嘗一息或停而氣數之厄造物亦無如何彼耐... 之種固不乏矣而田家五行所占多驗課問勤則徵應不爽... 之兆龜筮有不及者吾居鄉時春雨足而夏澤屢愆... 所獲不能倍於種盛暑中偶憩一農家則場圃盡築... 積矣詎其故則曰稻種有六月稜者早種速穫其米糙而收存數年來田家皆以夏曠失其業吾及尺澤而耕徂暑而熟祈雨者芻龍柳圈鼓鬪闌於隴首吾以其時儻問民割吾禾於烈日中雇錢少而秬秔且無損所收雖約然市無赤

米價方昂而未已較之粒米狼戾廢積不售其贏殆倍蓰焉噫  
一上農之力能與造物爭盈虛如此然則爲民上者訪深明農  
事之人以爲田畷又博求多種相陰陽寒暑之不齊而增損之  
使民之趨時赴功如救火追亡人而力祛其弊竊偷生之習詎  
不足禱救災稔於萬一哉徐元扈曰稗多收能水旱宜擇佳種  
于下田種之災年便可廣植勝於流移掇拾吾亦謂有田者必  
預求能水旱之穀種視地之高下各種數區毋以收薄而鹵莽  
之歲美俱美歲惡必不俱惡豈不愈於采稂莠而冀穉穀哉然  
曰家有能有不能者則曰必先去其貪

燕麥

十四

穀類卷之二



燕麥

燕麥多生廢地與雀麥異救荒本草辨別極晰野菜贊云有小米可作粥其稽細長織絹極佳故北地業草帽者種之

零婁農曰甚矣瘠土之民之苦也博物志謂食燕麥令人骨軟救荒本草錄之亦謂拯溝壑耳麗江府志燕麥粉爲乾饑水調充服爲土人終歲之需維西苦寒其人力作幾曾病足哉蓼之蟲桂之蠹生而甘之烏知其辛彼漿酒蠶肉醜醜然營食者其亦幸而不生雪窖冰天得以填其慾壑耳然而醉生夢死與罔豕搯羊同其肥膾冥然罔覺以暴殄集其殃其亦不幸也已



胡豆

胡豆救荒本草錄之豆可煮食亦可爲麪本草拾遺胡豆子生田野間米中往往有之不述其形狀當卽此

考農日今胡豆野生非古胡豆也考爾雅戎菽注今胡豆廣雅齊民要術胡豆與大豆異類名醫別錄序例云胡豆今青斑豆則是豆之有青斑者大豆飯豆中皆有之蓋舊時胡麻胡瓜草木中多以胡名者今皆異稱胡麻旣別爲山西一種而胡豆則田野旅生誠不能定古之胡豆爲今何豆也廣雅胡豆蜂窠也李時珍以豇豆角雙指爲蜂窠九穀考以郭注胡豆或卽今



豌豆亦本李說夫降護但以形聲臆度而廣雅胡豆豌豆兩釋  
方言異字彼此是非蓋闕如也慎黔紀遊謂太和戎菽年前卽  
采土人謂之大莞豆此卽蠶豆文人泚筆動援古籍可無論耳

胡豆

穀類卷之二


玉蜀黍

四庫全書卷之二



玉蜀黍

玉蜀黍本草綱目始入穀部川陵兩湖凡山田皆種之俗呼包穀山農之糧視其豐歉釀酒磨粉用均米麥瓢煮以飼豕稗乾以供炊無棄物



豇豆

豇豆本草綱目始收入穀部此豆莢必雙生故有舜矐之名種有紅白紫赤斑駁數色可茹可穀亦能解鼠莽毒



豌豆

或作登按說文登訓豆飾非豆名

豌豆李時珍以爲卽胡豆然本草拾遺所云胡豆非此豆也古音義胡多訓大後世輒以種出胡地附會其說皆無稽也豌豆葉皆爲佳蔬南方多以豆飼馬與麥齊種齊收廣雅畢豆豌豆留豆也本草中皆未著錄

雩婁農曰豌豆本草不具卽詩人亦無詠者細蔓儷蕁新粒含蜜菜之美者吾鄉之巢烏能相擬哉按陸宣公狀云京兆府先奏當管蟲食豌豆請據數折納大豆度支續奏據時估豌豆每斗七十價已上大豆每斗價三十已下望令各據估計錢數折

納螟蛾爲災豌豆全損司府折納充數已爲尅下從權度支準  
估計錢乃是幸災規利且豌豆爲物其用甚微舊例所支唯充  
畜料準數廻給大豆諸司誰曰不宜蓋昔時僅以秣馬而未嘗  
供蔬感既有誅齒亦弗及至利計秋毫冀益國用自非程昇皇  
甫鑄之徒何能辦此



刀豆

三

穀類卷之二



刀豆


刀豆本草綱目始收入穀部謂卽酉陽雜俎之挾劍豆其莢醃以爲茹不任烹煮。

雩婁農曰刀豆只供菜食救荒本草所謂煮飯作麩者亦饑歲始爲之耳味短形長非爲珍羞本草綱目乃以爲卽挾劍豆樂浪澤物何時西來且諾皋之記亦據子年誕詞耳尙有繞陰豆其莖弱自相縈纏傾離豆見日葉垂覆地又將以何種角穀當之杜陽雜編靈光豆大類菉豆煮之如鵝卵尤奇

龍爪豆

三


穀類卷下



龍爪豆

龍爪豆產寧都州葉大如掌角長四五寸豆圓扁如大指土人煮以爲飯

雋婁農曰吾過南豐以東見豆架而駭其喭然大也巨爪攫挐森如熊蹯圓實的突握若雀卵殆日吞數枚可以忘饑矣然婁人飯之而賓筵無薦者視廣豐以簞筍饋人絕不相侔邑人謂食多鬱滯故不珍惜養生論曰豆令人重心腹否則支體痿故曰重也北人有諺曰趙北之魚吃亦悔不吃亦悔以其碩而無味也然則是豆也其劉表帳下八百斤之牛歟



龍爪豆 又一種

龍爪豆卽刀豆之類豆大而扁如指頂或有紋如荷包形有紫黑二種


等婁農曰江西廣豐近封禁山產大豆角如爪其實白質而赤章味如扁豆而甘且藏久無藥氣土人亦珍之移之南昌實未成而隕疑秋風漸早也顧吾邑所蒔荷包豆者黑白紋極細形狀正同味稍薄豈一類而黑紋者獨耐寒耶唐本草稱豆北人呼鵲豆以其黑而白間如鵲羽凡扁豆皆然惟李時珍謂有斑者或此類



雲藕豆


雲藕豆白花莢亦雙生似藕豆而細長似豇豆而短扁嫩時並莢爲蔬脆美老則煮豆食之色紫小兒所嗜河南呼四季豆或亦呼龍爪豆






烏嘴豆

烏嘴豆滇南有之同茶豆而有黑暈又有一種太極豆褐色黑紋微如太極圖形又有花臉豆青黃色有黑暈形微扁又有棕角豆圓形褐色而縐亦有黑者皆豆種之巨擘也



野豆花

野豆花生雲南山阜黃花澀葉俱如豆橫根頗長



黑藥豆

黑藥豆生江西南安山林間形狀頗似踳豆花黃紫色結角長六七分內有黑豆二粒光圓如人瞳子俗云每日吞二粒明目至老不花

本草綱目

卷之四

三



蝙蝠豆

蝙蝠豆生雲南花色淡黃以形似名




黄麻



黃麻

黃麻生南安紫莖尖葉長寸餘與火麻絕異結子不殊土人績之大麻李時珍謂俗名黃麻今北地無此名或卽此也



山黃豆

山黃豆蔓生花葉俱如豆花白作穗蓋鹿藿之類



山西胡麻

胡麻山西雲南種之爲田根圓如指色黃褐無紋叢生細莖葉如初生獨帚發杈開花五瓣不甚圓有直紋黑紫蕊一簇結實如豆薏子似脂麻滇人研入麪中食之大同府志胡麻莖如石竹花小翠藍色子榨油元大同歲貢油麪輸上都生料庫今民間糴之油曰大油省南北以茹以燭其利甚溥惟氣稍厥雁門山中有野生者科小子瘦蓋本旅生後蒔爲穀花時拖藍潑翠裊娜亭立秋陽晚照頓覺懷新本草以巨勝爲胡麻今名脂麻而此草則通呼胡麻別錄謂胡麻生上黨不識指何種也